



Mariflabis tante lenghe e fantasie

Il Comun di Glemone, cul finanziament de Arlef, al à stampât une racuelte di contis in sîs libruts e un Cd cu la vòs di Barbara Minen.

» DI CHRISTIAN ROMANINI



opare dentri de opare, curade in chest càs di **Pauli Cantarut** grazie a Informazion Furlane, Radio onde furlane, Musiche Furlane Fuarte, cul montaç di **Francesca Lionetti**.

Dut il materiâl al è tignût adun intune biele confezion cartonade pe distribuzion che e vignarà fate tes bibliotechis, ma cui che nol podarà vè la sò copie 'di cjar-te' al pues lâ sul sît de Arlef www.arlef.it/multimedia/fruts/ e leisi dutis lis storiis, cu la pussibilitât ançe di scoltâsi ducj i files audio. Un libri potenzialmentri par dut il mont e cence problemis di finî lis copiis.

IMPEGN EDITORIÂL

Come che nus conferme ançe la referente dal sportel linguistic, l'impegn editoriâl dal Comun di Glemone al va indevant cun altris libris pai plui piçui: al è z pront 'Armeline, aventuris cuntune cjavelade speciâl' scrit e ilustrât di Francesca Gregoricchio, e pe fin dal an al è in prevision di stampâ ançe la storie numar 15 (inmò no si 'nt cognòs il titul) di cheste golaine, che e je deventade un classic des bibliotechis de int dal Glemonàs.

✉ ilfriuli@ilfriuli.it

"Cu la sperance che il furlan al deventi par ducj i fruts di chenti la lenghe de fantasie" al è cun chest auspici dal sindic di Glemone che si vierç ognidun dai 6 libruts dal projet 'Mariflabis'.

A son 6 lis contis publicadis e presentadis vie pe ultime edizion di Friulidoc: 'La storie dal Scheletri' di **Alberto Antonelli** che al à realizât ançe lis ilustrazions, 'Gnesute cuintriariar' di **Lucia Londero** (sòs ançe lis ilustrazions), 'La famee dai surisins e il trenut di len' di **Mie Filose** (dissens di **Sandro Pittini**), 'Mariutine e i omenuts dal timp' di **Gloria Angeli** e 'Un cjalderon di flabis' di **Stella Mantovani** (ducj i doi chescj libruts a son cu lis ilustrazions di Lucia Londero), 'Pilux al scuvierç il fier' di **Alberto Antonelli** (curadôr ançe chi des ilustrazions). La racuelte di chestis

contis e je une selezion di une golaine di 13 titui che il Comun di Glemone al à fat dilunc dai agns. Il coordinament dal projet al è stât fat di **Linda Picco**, che e lavore pal sportel sorecomunâl pe lenghe furlane dal Glemonàs.

MULTIMEDIALITÂT

Cul finanziament de Agenzie regionâl pe lenghe furlane, i libruts a son compagnâts di un Cd cu la vòs di **Barbara Minen**, che e lei lis contis, e lis musichis: par 'La storie dal Scheletri', R.esistenza in Dub; par 'Gnesute cuintriariar' Francis and the Phantoms; par 'La famee dai surisins e il trenut di len' Arbe Garbe; par 'Mariutine e i omenuts dal timp' **Silvia Michellotti**; par 'Un cjalderon di flabis' Prorastar; par 'Pilux al scuvierç il fier' Ulisse e i Ciclopi. Insome une

■ CUNVIGNE A CORMONS Dai Grisons svizars al nestri Friûl

Al è scomençât ai 2 e al larà indevant fin ai 4 di Otubar, li de sale civiche di palaç Locatelli a Cormons, il VI Colloquium retoromanistich, convigne di studis linguistics e storics promovût e organizât de Societât filologiche furlane.

La convigne e à chêt di esplorâ i contribûts plui re-insints su la linguistiche e la culture dai Grisons in Svizze, de Ladinie dolomitiche e dal Friûl, tirant dongje studis su lis relazions tra lis popolazions di chestis regions.

La convigne e je organizade in colaborazion cul Comun di Cormons, la Enoteche di Cormons, l'Isis Dante Alighieri di Gurize. E à il sostegn de Casse di sparagn dal Friûl - Vignesie Julie e il patrocini di: Region autonome Friûl - Vignesie Julie, Provincie di Gurize, Fondazione Carigo, Agenzie regionâl pe lenghe furlane, Societât linguistiche taliane, Istitût pai incuintris culturâi mitteleuropeans e Istitût di storie sociâl e religjose di Gurize.

SCOLTADIS DI DRIUS

Timp par imparâ

Al sarâ professôr ma second me a l'â tant insegnât che no l'â mai vût timp di imparâ.



Euronews informa

Si fevele di Grande Vuere in Provincie

Cul fin di inressi la cognossince dai fats plui impuartants, e magari pôc famôs, e il turisim storic viers i lûcs de Grande Vuere, la Provincie di Udin e propon une serie di incuintris cun cualificâts e preseâts studiôs.

Si trate di un omaç - al met in evidence il president Pietro Fontanini - a un event che al à segnât une vore il Friûl, in particolâr il Cjâf lûc furlan, che al è passât a la storie tant che capitâl dal conflit. Secont l'assessôr a la Culture Francesca Musto, l'aniversari, che al ven spes tratât cun puartade retoriche, al à diventâ une ocasion di riflession su la storie dal nestri Paîs. "Par chest la Provincie di Udin e à intindût di impegnâsi inte divulgazion e tal aprofondiment dai acjadiments che a interessarin il nestri teritori tai moments precedents, concomitants e seguitifs al conflit. La serie di incuintris, in calendari di Setembar a Dicembar tal salon di Palaç Belgrât a tacâ da lis 17.30, e je stade screade da l'intervent dal prof. Elpidio Ellero che al à fevelât, vinars stât, su "la Battaglia di Caporetto". Vinars cu ven, ai 10 di Otubar si signarà la conferenze "Dagi Asburgo ai Savoia" par cure di Marina



Rossi e Bernardino de Hasek. L'Editôr Paolo Gaspari adun cu prof. Enrico Folisi, a incentran il lôr intervent, vinars ai 31 di Otubar, su "Il senso della Patria nella Grande Guerra". Vinars

La serie di conferencis e je stade volude dal president Fontanini e dal assessôr Musto par inressi la cognossince dai events plui impuartants e incentivâ il turisim storic viers i lûcs dal tragjic conflit

ai 7 di Novembar il prof. Marco Pascoli al fevelarà sul teme: "La battaglia della Val Resia". La penultime conference su "La Guerra degli italiani dell'impero austro-ungarico" e sarâ affidade al prof. Roberto Todaro, joibe ai 20 di Novembar. La serie di incuintris si sieraarà vinars ai 5 di Dicembar cu la conversazion su "Le battaglie del Carso", par cure di Mitja Juren, P. Pizzamus e N. Persegati. Tant che si viôt - al rimarce Fontanini - la nestre iniziative e ven fûr de volontât di trasmeti ae nestre comunitât, in particolâr a lis gnovis gjenerazions, la cognossince e la impuartance di chescj events, e cemût che a àn contribuît a meti dongje la storie de Europe. Si trate di un impegn che al larà indevant tai mès e agns cu veginn - e conclûd la Musto - par comprendi miôr che a significât la tragjedie de vuere e par no dismenteâ mai la nestre Storie.